

علی فتحی

سابق بحر سعید قوای مرتبه سی

ارکان حریه رئیس

صوفیه سعیری

بولایر محارب بنده عدم موفقیتك اسبابی

« عسکری مغلوبیتلر مزك اسبابی » محررینه جواب

۲۵ کانون اول ۳۲۹

طابع و ناشری

تجارزاده ابراهیم حلمی

۴۶ کتابخانه اسلام وعسکری ۴۶

استانبول — ۱۳۳۰

مطبعة خیریه وشرکاسی

٭ بولاير محاربه سنده عدم موفقيتك اسبابي

« عسکری مغلوبیتلر مزك اسبابي » نام اثرک تعيیه
عدم وقوف فصلك ۸۲ نجی صحیفه سنده شو سطرلر
اوقونیور :

« بولاير محاربه سنده مهم بر تعيیه خطاسی محاربه نك
« ضیاعنه سبب اولمشدر . شار کوی جوارنده قره یه اخراج
« اولنه جق ۱۰ نجی قول اردو ايله بولايرده کی قول اردو
« احوالیده کی دشمن قوتلرینه قارشى متحداً حرکت و تعرضه
« مأمور اولمشلردی .

« ۱۰ نجی قول اردونك اخراج حرکتی ۲۶ كانون ثانی
« کونی صباحی بدأ ایده جکدی . ایکی فرقه لی اردونك اخراج
« حرکتك اك مکمل وسائطله لاقول اوچ کون . سوره جکی
« و آنجق دردنجی کون ایلری حرکتیه ابتدار ایده بیله جکی
« اونه دنبری معلوم و مجرب بر قاعده حربه در . بولايرده کی قول
« اردونك بالکمز ايلك کونی دشمنی تثبیت و اشغال ایچون

« تعرض ایتمی وبعده اونجی قول اردونک ایلری حرکتی
 « حاضر اولسنی متعاقب برابرجه تعرض قطعی به ابتدار ایتملی
 « لازم ایدی . ایلک اخراج کونی قرهیه چیقان قوت اوندن
 « مسکروه کی اخراج حرکاتی بالذات تأمین ایده بیلیردی . فقط
 « بویله باپلیدی ؛ بولایرده کی قول اردو یالکز باشنه نتیجه
 « قطعیه استحصال ایتمک . مظفر اولق هوسنه دوشدی .
 « ۱۰ نجی قول اردو ایله مشترکاً اجرای تأثیره انتظار ایتمدی .
 « دها ۲۶ کانون ثانیده اشغال محاربه سی یرینه تعرض قطعی
 « اجرا ابتد و نهایت پریشان اولدی . ذاتاً بر تعرضی موفقیته
 « اجرا ایچون اقتضا ایدن قیمت حریبه دن عسکر محروم .
 « ارکان . امرا و ضابطان ایسه محاربه میداننده ال برلکیله
 « ایش کورمک و دشمن قارشیسنده فته موافق تدابیر اتخاذ
 « ایتمکدن عاجز اولدیغندن بونواقص عدوله تلافی ایتمیجه موفق
 « اوله ناک امکانی یوق ایدی . بو نقطه لر نظر دفته آلمدیغندن
 « اؤکله وقتی هنوز اونجی قول اردودن . آنجی ایکی طابور
 « قرهیه اخراج ایدلمشکن بولایر قول اردوسی یوزده اللی به
 « قریب ضایعاتله تکرار بولایر خطنه رجعت ایتمش ایدی . »

بوسطر لرله ، بولایر قول اردوسی ۲۶ کانون ثانیده
 تعرض قطعی اجرا ایتدیکندن بر تعییه خطاسی ارتکاب
 ایتمش اولق صورتیله اتهام اولنمقده و بوده مذکور قول
 اردونک « یالکز باشنه نتیجه قطعیه استحصال ایتمک ،
 مظفر اولق هوسنه ، عطف ایدلمکده در .

مؤلفك تعييه خطاسندن زياده شخصياته انتقال
 ايتديرمك ايتديكي بومبى حنده كنديسنى تعقيب ايتيه جكر .
 آنجق حربك ايكنجي دورينك اك مهم وقعه سى اولان
 بولاير محاربه سى حقنده حقيقتك تحريف ايدلمسنى ووثائق
 تاريخيه نك مسكوت طوتولمسنى طرفدار اوله ميه جغز .
 بومقصدنه بناءً مباحوث اثرده بسبتون بشقه بررنك وشككده
 تصوير ايدلمك ايتتيلن عدم موفقيتاك اسباب حقيقيه سنى
 ارايه ايلمك ومسئله يى ماهيت اصليه سنى ارجاع ايله حقيقتى
 تنوير ايتمك مجبور يئنده يز .



بولایر محاربه-نه نصل قرار ویرلدی ؟

ادرنه نك ، لوندرده ، صلحاً بلغارلره تسلیم اولندیغنی آکلایان افکار عمومیه نك غلیانی اوزرینه ، بوشهری دشمنك پنجه غصبندن قورتارمق اوزره حكومتك ۱۰ كانون ثانیده تقلیبی متاركة نك فسخ ایدلمسینه سببیت ویرمش و محاربه ۲۱ كانون ثانیده یکیدن آچلمش ایدی .

تقلیب حكومت وقعه مهمه سی اوزرینه ادرنه یی قورتارمق ایچون اولمسه بیله هر حالده ادرنه نك استخلاصنه درت کوزله انتظارده بولتان افکار عمومیه یه قارشی قیلمدا مق مجبوریته تحته کیرمش ایدی . بو حرکتك ، بولایر طرفندن یا بلسی ، قرارگاه عمومیه جه تقرر ایلدی .

فی الواقع اردوی اصلی چتالجه خطنده ایدی و بر حرکت مهمه آنجق اردوی اصلی ایله ایفا اولته بیلیردی . فقط

كر ك اردوى اصلينك حركت تعرضيه به هنوز قابليتلى
اوله مى ، كركسه بولاي قارشيسنده كى دشمن قوتنك
بلغار قوه كليهنسندن اوزاق اولمى حسييله مذكور دشمن
قوتنك فائق قوتلر آراسنه صيقشديريله بيلمى ممكن
اولدنى مخابرات ايله تقرر ائمش و بوجهت اختيار
اولنش ايدى .

بولاي قارشيسنده كى دشمن حقنده بولاي
قول اردوسى قوماندانلغسندن باش قوماندانلق
وكالتنه ۲۴ كانون ثاينده ويريلن معلوماتده
• دشمنك ايلرى قطعاتيله (ايكي آلاى تخمين
اولونيور) قواق صوينى چكه رك اكساميل
صرتلرنده تحكىمات ياپدينى و هنوز كوردوله ميان
وقفط (كشان) و (معلقره) جهتلرنده تحشد
ايلديكى تخمين اولنان دشمن قوتلرينك ۳

فرقه دن زیاده اولمدینی ، بیلدیرلمشدی (*) .

دشمن قوای کلیه سنک (کشان - معلقره) خطنده بولنه رقایلری قطعاتیه ا کسامیله جرأتکارانه بر صورتده ایلری یه آتیلمش اولسی و ا کسامیلده کی دشمنک کریسنده ، قواق صوینک پکده رجعته مساعد بولنمه سی بولایر قول اردوسنجه بو دشمن قوتنه ده ا ۲۴ کانون ثانیده تعرض ایتک املنی ویرمشدی . حقیقه ، بولایر خطنده ایکی پیاده فرقه سیله بر پیاده آلابی و سکز بطریقه موجود ایدی . عدد آدشمنه فائقیتدن و بالخاصه طو یجیمزک ازیجی تفوقدن و دشمنک هنوز موضعه یرلشمه مش اولسندن استفاده ایده رک ا کسامیل صرتلرینه قدر یاییلان دشمن قوتلرینی قواق صوینی کریسنه آته رق جزالاندر مق امکانی موجود ایدی . بالطبع دشمنک بوضعیف وضعیتی کونلرجه دوام ایده مزیدی . بناء علیه ۲۶ کانون ثانیده وضعیت بشقه ایدی .

(*) قوی مرتبه قوماندانلغندن باش قوماندانلق و کالته ل ۲۴ کانون ثانی ۲۲۸ ده کشیده اولان شفره لی تلغرافنامه . [فی الحقیقه ، ۷ بجی ریلو و ۲ بجی فرقه لرله ما کدونیا کواکلورلندن مرکب بر فرقه نك که جمعاً ۳ فرقه نك بولندینی بالآخره تحققه ایتشد .]

یوقاریده ده بختی کچدیکی وجهله ادرنه نك تخلصی
 یولنده یامغه مجبوریت حاصل اولان و بولایر جهتدن
 اجراسی ترجیح ایدیلن حرکتک شارکویده ده بارکان
 اجراسی صورتیله تطبیقی قرارگاه عمومیه تحت قراره
 آلمش اولدیغدن بولایر قول اردوسنك اکسامیلده کی
 دشمنه قارشى تصمیم ایلدیکی حرکت تعرضیه بی باش
 قوماندانلق :

«ج ۲۴ کانون ثانی ۳۲۸ مرتب ویکرمی یدنجی
 نظامیه فرقه لرله یارین فجرله برابر دشمنه تعرض ایتک
 فکری اساساً مصیب ایسه ده دشمن نه قدر
 بولایر استقامتنه طوغری چکیلیر ونه قدر چوق
 قوتی یایمه سنه میدان ویریلیر سه شارکوی غربنده
 قره یه اخراج اولنه جفی بو صباح ییلدیریلن قوه
 احتیاطیه نك دشمن علیه حرکتی تسهیل ایدیله -
 جکندن دشمنك بولایر استقامتنه طوغری

ایرلیمه سنه میدان ویرلمسی ، اسر تلغرافیسـیلـه
تصویب ایتمکله برابر شار کویته ویاخود سواحل
جنوبیه سنه اخراج ایدیلـه جـک قوتلرله بولایر
جهتدن مشترک و متقارب بر حرکت تعرضیه
اجراسی مقصدیلـه تأخیر اولونمش و دشمنه دائر
بعض معلومات صورولدقدن صوکره ، شار کوی
ایله جهت جنوبیه سنده کی نقاطده کشفیات مهمه
اجرا ایره رک عین زمانده ده بولایر جهتده کی
فرقه لرله ده مقابل تعرضه کچـه رک دشمنی ایکی
آتش آراسنده صقشدیرمق مصمم و بو مقصد
ایچون یارین صباحدن اعتباراً واپورلر ایچنده بر
قول اردو حرکته آماده اولدیغندن [*] قواقدن

[*] ۲۲ کانون ثانی ۳۲۹ تاریخلی باش قوماندانلق وکالتنک

شفره تلغرافنامه سی .

ایرلیان دشمنك کرلیرنی تهدیده اك مساعد
 اخراج نقطه لرینك هانکیلری اولدیفنك سرعت
 اشعارى [*] . ، واك نهایت ۲۴ کانون ثانی کیجه سی
 اونجی قول اردونك ۲۶ کاتون ثانی صباحی
 ساعت بشده شارکوی وجوارینه ده بارکان حرکتی
 اجرا ایده جکییدن ناشی بولایر قول اردوسنك
 دخی قارشیسنده کی دشمنه تعرض ایده رک حرکت
 مذکورہ نی تسهیل ایلمسی امر اولونیوردی .

۲۵ کانون ثانی کونی اونجی قول اردودن
 ورود ایدن بر تلغرافنامه ده: « ۱۰ نجی قول اردو
 قرارکاهی بو کون بعدالظهر ساعت ۶ ده غلطه

[*] بالآخره حرکتہ مهیا اولدینی آکلاشلمشدر .
 قرارکاه عمومی بالطبع بو معلوماتی اونجی قول اردو قرارکاهندن
 آلمشدی .

ريختمندن نيلوفر واپوريله حرکت ايدە جك و قول
اردونك قطعات سائره سي ده صباح ساعت ۵ ده شار
كوي جوارنده بولنه جق صورته حركتلري
تنظيم ايديله جكدرد .

دو نمانك ، اخراج حركتني تأمينه مأمور اولان
اقسامي بوغاز و جوارنده موجود و سائط اخراجيه يي
برابرينه آلارق صباح ساعت ۵ ده اينجه بروني
جوارنده كي نقليه فيلوسنه التحاق ايدە جكدرد .

توفيق بك ، فيلو قومانداني بوكا كوره عيز
زمانده واپورلرده بولسونلر ... ، ديفيلوردي .

في الحقيقه ، بو تلغرافنامه آلنزدن اول ۱۰ نجی
قول اردو قرارگاهندن مذکور قول اردونك احوال
و حرکاتی حقنده بولایر قول اردوسنی تنوير ایتک
وظیفه سیله ارکان حربیه بیکباشیسی توفیق بك کلشدی .

میر مومی الیه ، قول اردونک تکمیل استحضاراتی
اکمال ایلدیکنی سویلشدی. بر قول اردونک استحضاراتی
نه قدر مکمل اولسه اخراج حرکتک ینه خیلی
زمانه متوقف اولدینی و بو حرکتک تأخراته دوچار اولسی
خاطره کله بیله جکی مومی الیه سویلنمش ایسه ده بوبابده
هر نوع شبهه و ترددک غیر جائز اولدینی واستانبول کبی
بیوک برلیما تک بالجمله وسائط ارکابیه و اخراجیه سنک برابرجه
کتیرلدیکنک ، سیار اسکله لرک ، کوپری دوبه لرینک
واوژه نک شالانلرینک و سائر نک جلب و احضار ایدلدیکنک
و قول اردو ۲۶ اقشامنه قدر کاملاً حقیقسه
بیله اوکلنه قدر (اینجه برونی) جوارنده هیچ
اولمزه نوری بک مفرزه سنک تقویه سیله بر فرقه
قوتک بالفعل بولایر قول اردوسنک حرکات
تعرضیه سنه اشتراک ایتدیر یله بیله جکی قطعاً تأمین
ایدلمش ایدی .

بونک اوزرینه بولایر قول اردوسنک ۲۶ کانون نانی

کونه عائد تعرض اصری کنديسنه نوط ايتديريله رک
 و صورت حرکت حقنده کی تصورات بيلديريله رک ۲۹
 کیجه سی او تبحی قول اردو نزدینه اعاده قلنمشدی .

۲۶ کانون ثانی صباحی یکر می یدنجی نظامیه و مرتب
 نظامیه فرقه لری صباح ساعت ۸ ده دشمن موقعنه قهرمانانه
 بر صورتده تعرضه باشلا دیلر و شار کوی جهتلرندن کله جک
 دیگر بر عثمانلی قوتيله متحداً دشمنه صوگ ضربه یی
 ایندیر مک اوزره بعدالزوال ساعت ۲ یه قدر ، شدید
 مقاومتہ رغماً دشمنی مستحکم واقعندن طرد ایلدیلر .
 بوزمانه قدر افرادک بتون انظاری شار کویه متوجه ،
 ضابطانک قلوبی دشمن آرقه سنده ظهور ایده جک عثمانلی
 عسکرینه معطوف ایدی . بوامید انتظار ایله ایلریده کی
 قطعاعده تلفات یوزده اللی یی بولمش ایدی . حیفا که
 بوانتظار اهانت ایدیوردی . عثمانلی عسکری یرینه
 شار کوی جهتلرندن اینن بلغارقوای امدادیه سی ، صوگ
 برامید ایله ، عثمانلی عسکریمزه عودت تعرضیه به باشلامش
 ایدی .

ایشته بونک اوزرینه ۲۶ کانون ثانی کونی ، شایان

حیرت جسارتہ و برجوق ضایعاتہ رغماً ، عثمانی تاریخ
عسکریسندہ برعدم موفقیت دہا قید ایتدیردی .

تعیہ یہ عدم وقوف زردہ در ؟

مؤلفک حسن نیتندن شبہیہ حقمز یوقدر . بناء علیہ
بولایر قول اردوسی حرکاتی تنقید ایلدیکی زمان بروجه
بالا معلوماتہ دسترس اولمدیغنی ظن ایتک ایسترز .
شیمدی ، شومعلومات و اوامرکوز اوکنه کتیرلسین ؛
بولایر قول اردوسنه تحمیل اولنان وظیفه نک ایفاسنده
دشمنی سادہ جہ اشغال ایلہ اکتفا اولنوب اولنہ میہ جنی
بر دہا دوشونولسون !

بو بابت کی معلوماتمزی اتمام ایتک ایچون اونحی قول
اردو قرار کاھندن ۲۶ کانون ثانیدہ بولایر قول اردوسی
قوماندانلغہ یازیلان آتیدہ کی تلغرافنامہ دہ بردفعہ کوزدن
کچیرلسین !

قول اردویی حامل نقلیہ سفائی کاملاً آرزو
اولنان زماندہ طوپلانیلہ مدی . بناء علیہ اخراج
حرکتی تأخر ایتدی .

فقط مرتب قول اردونك بوكون بولایردن
 تعرض ایتدیکی خبر آلتدیغی جهته شمدیلک
 الله بولنان طقوز طابور پیاده ، ایکی ماکنه لی
 تفنك بلوکی شار کویک ایکی کیلومترو غربنده
 دیگر نقلیه واپورلری ده متعاقباً کله جکندن برنلرده
 اوکلندن صکره اخرج ایدیله جکدر . اخرج
 حرکتی صباح ساعت ۱۰ ده باشلایه جقدر .

سز تعرضه دوام ایله قارشیمزده کی دشمن
 قوتلرینك دفعنه تثبث ایدیکز . [*]

§ مؤلفك شو: « بولایرده کی قول اردو نتیجه قطعیه
 استحصال ایتک، مظفر اولق هوسنه دوشدی . ۱۰ نجی
 قول اردو ایله مشترکاً اجرای تأثیره انتظار ایتدی .
 دها ۲۶ کانون ثانیده اشغال محاربه سی یرینه تعرض

[*] بوتلغرافنامه کچ کلشدر .

قطعی اجرا ایتدی وَ نہایت پریشان اولدی . « اتمانہ آرتق سبب فالیہ جغنی ظن ایلرز .

فی الواقع بولایر قول اردوسی ۲۶ کانون ثانیدہ . یالکز باشنہ محاربہ ایتمش ایدی . فقط بو ، یالکز باشنہ محاربہ ایتمش ہوسندن دکل بلکہ یالکز باشنہ براقلمش اولسندن ایلری کلشدر .

یوقاریدہ کی وثائق مطالعہ ایتدکن صکرہ بوبادہ شہہ بسلیہ جل صاحب فکر بولنہ من .

بولایر قول اردوسی کندیسہ ویریلان موعدملاقاتہ نام وقتندہ یتشمش و دیگر لرینک دخی موعدملاقاتہ وصولی تأمین ایچون ممکن اولدینی قدر دشمن قوتی جلب وَ توقیف صورتیلہ اولانجہ غیرتتی کوسترمش ایدی . موعدملاقاتہ کلیانلر اولدیسہ بوندن بولایر قول اردوسنہ یالکز باشنہ محاربہ ایتمش « مظفر اولق ہوسنہ » دوشدیکنی استتاج ایتمش تعییہ و قوف ادعاسیلہ پک دہ قابل تألیف دکلدر .

؛ مؤاف محترمی بردها وضعیتک تدقیقنہ دعوت ایدہم : دشمن ، بولایر قوای مرتبہ سنی ، شہہ جزیرہ نک الکطار محلدہ ، برزنجیرلہ حس ایتمش مقصدیلہ اکسامیل

صرتلرینه قدر ایلریله مش و بو خطدن اعتباراً مرمره نك
شمال و شمال شرقیه اوزانان سواحلی اوزرنده وقوع
بولاییله جك نشبثاته قارشیده معلقره و حوالیسندہ قوای
کلیه تحشید ایلش ایدی .

شمدی ، وؤلفك فکرینه تبعیت ایدہ رك ، بولایر
قول اردوسی - آلدینی اوامرو تبلیغاتہ رغماً - اکسامیل
موضعی قارشیسندہ ۳ : ۴ کون خفیف اشغال محارباتیله
اکتفا ایتش اولسیدی نه نتیجه حاصل اولوردی ؟

اکسامیل موضعك قوه تدافیه سنه اعتماد ایدن دشمن
بولایر جهشتدن جدی برتضییق کورمدیکنه غایت ممنون
اوله رق ، اوده اکسامیلده اشغال و توقیف محاربه سنی
بیوک منافع ایله قبول ایلدیکی اثناده ، یالکز باشنه شارکویه
چیقمنه اوغراشان ده ماركان قطعاتی کاملاً دکره دوکك
ایچون ایجاب ایدن زمان وقوته مالک اوله بیلیردی و بویله
فلاکتلی نتیجه نك عقبندہ بولایر قول اردوسی قوماندانی
ممکن اولدینی قدر دشمن قوتی اوزرینه جلب ایتدیکندن [*]

[*] باش قوماندانلق وکالت جلیله سنك ۲۴ کانون ثانی

۲۲۸ تاریخلی شفره تلفرافنامه جوابیسی .

وده باركان حركتى تسهيل ايلديكندن (*) وده باركان قطعاتك قارشيسنده كى دشمن قطعاتى دفعه تشبث ايتديكندن (**) طولاي اتهم ايلك حقل اولوردى .
 فى الحقيقه ، استانبول كى بيوك برليمانك بالجمله وسائط اركاويه و اخراجيه سنى استصحاب ايده ركدها ۲۴ كاتون ثانى صباحندن اعتباراً واپورلر ايچنده حرakte مهيا اولدينى بيلديريلىن بر قول اردونك قراركاهندن خبر ضابطى وظيفه سيله كلن براركان حرب بيكباشيسنك وظيفه سنى حسن ايضا ايتديكنه دائر شبهه ايتك ايچون بر حقمز يوقدى و ۲۶ كانون ثانیده اوكلنه قدر هيچ اولمزسه برفرقه نك قره يه چيقايله جكنه دائر ويرديكى تأميناتى نظر اعتباره آلمه مق ايچون المزده بر دليل موجود دكلدى؛ چونكه ميرمومى اليه بو استحضاراتى ايضا ايله مكلف هيئتك اعضاى مهمه سندن براركان حرب بيكباشيسى واستحضارات مذكوره يى - بولايير قول اردوسنجه هيچ بر يا كلشفه

(*) ماش قوماندانلق وكالت جليله سنك ۲۴ كانون ثانى

۳۲۸ تاريخلى شفره تلفرافنامه سى .

(**) ۱۰ نجى قول اردو قوماندانلقنك ۲۶ كانون ثانى

۳۲۸ تاريخلى شفره تلفرافنامه سى .

سیبیت ویرلمه مک ایچون مذکور قول اردویه - تماماً
بیلدیرمکه مأمور بر خبر ضابطی ایدی .

بومعلوماته رغماً ، خفیف اشغال محارباتیله اکتفا
ایده رک اخراج قطعاتی کندی طالعلرینه ترک ایتمک
جراتنده بولنه جق بر قوماندا هیئت ایچون ، یالکز
باشنه « مظفر اولق هوسندن » دها آغیر ودها خیانته
مقرون اتهامات حقلی اولزمیدی ؟

§ بولایر محاربه سنک عدم موفقیتی ، مؤلک بلاتدقیق
ادعا ایلدیکی کبی یالکز باشنه مظفر اولق هوسندن
منبعث دکلدرد . بونک اسبابی :

اولا : نقلیه سفائنک ۲۶ صباحی ساعت ۵ ده
شارکوی اوکنده حاضر بولنوب اخراجاته مباشرت
اولنه جغه دائر اولان تخمینلرک طوغری چیقمه مسنده ؛
ثانیاً اونجی قول اردو خبر ضابطنک بالآخره جریان
وقوعات ایله حقیقته توافق ایتدیکی آکلاشیلان ائاداتنک
مبالغه دن عاری بولنمه مسنده ؛

ثالثاً : بویله مهم بر اخراج حرکتک بالجمله احتمالاتی
درپیش ایدیلرک نقلیه فیلوسی اخراج نقاطی قارشیسنده
حاضر بولنوب اسکله لر قورولمغه باشلانلزدن اول بولایر

قول اردوسنه باش قوماندانلقدن ۲۶ كانون ثانی ایچون تعرض امری ویرلسنده ؛

رابعاً : بعدالزوال ساعت ایکیه قدر موفقیتله ایلریلنمش ایکن دشمن قوای امدادیه سنک عودت تعرضیه سی اوزرینه ، هجوم قطعاتنک لزومی وجهله ضبط وربط آلتنده بولندیرلمه مسنده آرامق لازمدر . بوصول نقصان اعتراف اولنمیدرکه یالکز بولایر قطعاتنه مخصوص دکلدر .

*
* *

(عسکر مغلوبیتلرمزك اسبابی) محررینه جواب ویرمك ایچون یالکز وثائق رسمیه استناد ایدلشددر . وثائق مذکوره مقامات عائدہ سنک حرب جرائدنده محفوظدر . فی الواقع ، جرائد مذکوره موجود ایکن اسم وهیتی معلوم اولیان بر محررك خلاف حقیقت مطالعاتنه جواب ویرمك زائد کوروله بیلیر و بوفکر بزجده حائر رجحان بولونوردی . آنحق محرر مجهول تعییه ایله وملاحظات عسکریه ایله هیچ مناسبتی اولیان خصوصاتی قاریشیدیرارق وقایع مذکورهده مدخلدار اولانلری اتهاماته قالقشمشدر .

دشمن قارشيسنده ، تاريخى كونلر يشانديغى زمان،
 وظيفه عسكريه نك وطنه لايق صورتده ايفاسى ايچون
 كوستريلن غيرتلك بوقدر آغير سوء تفسيراته دوچار
 اولديغنى كورمك ارباب وجدان ايچون وسيله حضور
 دكلدر .

بولاي قول اردوسنك ۲۶ كانون ثانى محاربه سنده
 رجعته مجبور اولمش اولمله برابر وظيفه عسكريه سنى
 بحق ايفا ايلمش اولديغى (*) اعتقادنده يز .

فى الواقع ، ۱۰ نجى اردونك ۲۵ كانون ثانى تاريخلى
 تلغرافنامه سنده كى تخميناتى هيچ برعارضه يه اوغراميوب
 ده ده بارىكان حركتى باشلامش و توفيق بكك
 ويرديكى معلوماته قريب بر صورتده عملياته دوام ايدلمش
 اولسه يدى ۲۶ كانون ثانىده بولاي رقطعاتنه قارشى ، دشمنك
 احراز ايتديكى موقت موفقيتك عاقبتى كنديسى ايچون
 برفلاكت اولوردى . بولاي قول اردوسى دى ميدان
 محاربه ده براقديغى شهدانك بوصورتله انتقامنك آندديغى
 كوره رك مفتخر بولنوردى .

هر حالده ، بولاي محاربه سنده ، بولاي قول اردوسنك

(*) باش قوماندانلنك ۲۷ كانون ثانى تاريخلى تلغرافنامه سى .

وظیفہ سی و وضعیت اشغال محاربہ سی دکل، اکسامیلہ کی دشمنی مشکل وضعیتہ صوقہ رق شارکویہ صارقق ایستہ جک دشمن قوتلرخی دخی اکسامیلہ جذب ایدہ جک جدی بر تعرضی استلزام ایتمکده ایدی .

آرالرنده ۶ کیلومترودن زیادہ مسافہ اولمیان اکسامیل صرتلرینہ بولایر صرتلری آراسندہ کی ساحہ دہ ۲۶ کانون ثانیدہ ویرلمسی تقرر ایدن محاربہ نک نوعی نہ اشغال ونہ دہ نمایش محاربہ سی اولہ بیایردی . بوساحہ دہ ۳ کون ۴ کون دشمنلہ قارشی قارشی یہ قالنہ مزدی و قالنہ بیلدی کی تقدیر دہ ، ۱۰ نجی قول اردونک بلاعارضہ و تماماً قرہ یہ چیقیدیغی فرض اولندیغی حالہ دخی ، غیر مساعد بر وضعیتہ دشمنک اوچ مثلی قوتنک تعرضہ معروض قالمق ضرورتی حاصل اولوردی .

بولایر قول اردوسی یایلمہ یی تأمین و محافظہ ایچون ایلک اول محاربہ یہ ادخال ایدیلن و یاخود مجاور بر قول محاربہ یہ اشتراک ایدنجہ یہ قدر دشمنی اوایلانغہ مأمور (پیادہ تعلیمنامہ سی ۱۱۷) اقسام عسکریہ کبی تلقی ایدیلیرسہ خطا ایدلمش اولور .

بولایر قول اردوسی ، دہ بارکمان یاپان بر قول اردونک

تأمین سلامتی ایچون ایجاب ایدرسه کندینی فدا ایتمک
اوزره محاربه ایده جکدی وَاویله یاپدی .

* *

§ بالقان حربنده عسکری مغلوبیتلرک اسبابنی
آراشدیرمق، کلستان وطنک کوزل بر چیچکی اولان روم
ایلینک ضیاعیله ختام بولان عظیم فلاکتدن درس عبرت
آلمق هیمز ایچون بور جدر. بوبابده کوستریله جک غیرت
وهمته نه قدر تشکر ایدلسه آزدرد. آنجق بوهمتلك مفید
اولسی ایچون بی طرفانه تدقیقاته، درین بر وقوفه، غیر
قابل تقییح حسیاته احتیاج واردرد.

بزی بوسطرلری یازمغه مجبور ایدن محرری طانیق
شرفیله مباهی اولدیغمزدن کندیسی حقنده عجله حکم
ویرمکدن اجتناب ایده جکز. یالکز. مزایای مسرووده دن
محروم منقدرک ونقایص باهره ایله مملو آثارک میدان
آلدیغنی انکار ایلک مشکدر.

بعض محررلر واردرد که یالکز افکار ذاتیه لرینی احتوا
ایده جک بر اثرک کیسه طرفندن اوقونیمه جغنی بیلدکلری
ایچون، فعل یرینه فاعلی اقامه ایدردک، شخصیاته مراجعت

صورتیه یازیلرینه داعیٰ مراق سوسلر علاوه ایتک ،
کندیله ایچون، رابتلادر.

بعض محرر عسکریلر واردرکه هیچ بر ماضیٰ
عسکریلری ، تجربه صنعتاری یوقدر. نظر عسکریلری
قطعه لرینک و یاخود دائره مأموریتلرینک حدودینی
آشه مه مشدر. فقط بونلر هرشی بیلیرلر دعواسنده درلر.
کورمک ، آکلامق ، حس ایتک ممکن اولان هرشی
کورمش، آکلامش، حس ایتشلردر. صنعت عسکرینه نک
هیچ برهجا محلی یوقدرکه اونلرک نظرلری اورایه نفوذ
ایتمه مش اولسون! کمال متانتله وقوعات حقنده حکملرینی
اعطادن اجتناب ایتزلر؛ بوحرکت تعیه قواعدینه مخالفدر!
بو قوماندان شخصیاته قاپلشدر ! بوارکان حربیه هوسنه
مملوب اولمشدر !

ایشته بونوع محررلر حقایق تاریخیه ایچون برتهلکه
تشکیل ایدرلر.

مقصد من، موضوع بحث اثر صاحبی بو محررلر آراسنه
ادخال ایتک دکلدر. آنجق بولایر محاربه سنک عدم موفقیتی
اسبانی آراشدیران مومی الیهک وجدانی هیچ بر وقفه
ترده دوچار اوله دن مذکور قول اردونک یالکزباشنه

« مظفر اولق هوسی » یوزندن پریشان اولدیغنی البری یه
 سوردیکی دوشونولورسه کندیسناک وقوعات حریره یی
 حکمده اولدجه جرأت صاحبی بولندی آ کلا شبایر.
 آغیر اتهاماتده بولمق و بونده جرأت کوسترمک
 قولایدر، بونک قدر قولای اولمیان برشی وارسه اوده
 بلا غرض حقیقته خدمت ایتمکدر. بوسطر لر شوندمتی
 ایفایه کفایت ایتمش ایسه نه اعلا!

